

皇朝詞林典故

卷三  
之四

PL  
2548  
C55  
1887  
v. 3

LIBRARY  
MAR 24 1975



皇朝詞林典故卷三

天章

詩

聖祖仁皇帝

聖製行殿讀書示翰林侍講高士奇

六御東巡海上回。夜深思古帙重開。秘書

日日隨行幄。玉輦前頭珥筆來。

天章



皇朝詞林典故卷三

天章

詩

聖祖仁皇帝

聖製行殿讀書示翰林侍講高士奇

六御東巡海上回。夜深思古帙重開。秘書

日日隨行幄。玉輦前頭珥筆來。

聖製夏日登景山同翰林張英高士奇作

日暮登山覽八荒。翰林隨輦進辭章。君臣  
同樂松陰下。時雨將來入未央。

聖製下戒壇將至潭柘馬上同高士奇聯句

二首

聖製  
嶺腹層層小徑斜。

穿雲陟盡石嵒呀。

臣高士奇

聖製澗中草屋流泉繞

萬匹龍驤擁翠華。

臣高士奇

聖製蟬鳴草木動薰風。

蛺蝶雙來引

御驄。

時有雙蝶飛導仗前臣高士奇

聖製潭柘幽深聊駐輦。

省方不與豫遊同。

臣高士奇

聖製題西溪山莊以竹牕二字書賜高士奇  
花源路幾重。柴桑皆沃土。煙翠竹牕幽。雪  
香梅岸古。

聖製日講畢同翰林張英高士奇勵杜訥看

荷

千隊芙蓉太液池。迎薰初散講筵時。螭頭  
絕勝金蓮燭。自有清香送曉颺。

聖製病中偶爾問及掌院學士徐元夢乃同  
學舊翰林康熙十六年以前進士再無一  
人矣率賦一律以遣悶懷

七旬彼此對堪憐。病裏回思一慨然。少小  
精神皆散盡。老年歲月任推遷。常懷舊學  
窮經史。更想餘閒力簡編。詩興不知何處  
至。拈毫又覺韻難全。

聖製賜舊時講學

几前燭下長談論。今日忽爲垂老人。憐爾  
林泉安淡薄。因思疇昔侍楓宸。

聖製賜高士奇

廿年載筆近螭頭。心慕江湖難再留。忽憶  
當時論左國。依稀又是十三秋。

聖製翰林魏學誠該直命大學士陳廷敬出

題考得四方無事太平年。朕喜其句而偶  
成四韻。

太平久遠須憂慮。無怠無荒卽樂天。教化  
原從風俗起。觀瞻祇係廟堂堅。精心可畏  
先賢語。守法勿更大義全。問道愚民何爲  
願。官清省事便豐年。

聖製覽皇清文穎內大學士陳廷敬作各體

詩清雅醇厚非集字累句之初學所能窺也故作五言近體一律以表風度

橫經召視草。記事翼鴻毛。禮義傳家訓。清新授紫毫。房姚比就韻。李杜並詩豪。何似昇平相。開懷宮錦袍。

聖製大學士張玉書輓詩

文章末齒秉絲綸。舊德凝承近紫宸。瀚海

天山同正畧。江千河道與嘗新。表賢未及  
身先沒。頤養空談夢後湮。揮淚長歔歎。佐  
斗從來傷痛肅。雍臣。

聖製大學士陳廷敬輓詩

世傳詩賦重。名在獨遺榮。去歲傷元輔。去

歲

大學士張  
玉書故。連年痛鉅卿。朝恩葵志勵。國典

玉衡平。儒雅空興嘆。含毫感倍生。

皇朝詩林典故 卷三  
聖製餞大學士李光地暫回閩省

協恭惟得老成儒。味道經書翊廟謨。白髮  
辭君千里去。丹心捧日寸誠敷。秋霜昔歲  
明臣節。崑玉冲襟決勝符。暫別恩榮宸翰  
餞。勿勞勞遠念慰長途。

聖製賜老大臣

舊日講筵剩幾人。徒傷老朽並君臣。平生

壯志衰如許。諸事灰心懶逼真。求簡遂巡  
多恍惚。遇煩留滯累精神。年來詞賦荒疎  
久。貧句深慚筆有塵。

世宗憲皇帝

聖製賜大學士徐元夢

位以中台峻。名因主眷高。六卿推舊德。百  
職藉薰陶。報國訏謨切。銜恩翊贊勞。運籌

稱自昔。前席禮頻叨。

聖製賜尙書朱軾

高岳生良佐。興朝重老成。南宮持藻鑑。北  
斗秉權衡。忠豈惟供職。清能不近名。眷言  
思共理。爲國福蒼生。

聖製賜尙書張廷玉

峻望三台近。崇班八座尊。棟梁才不忝。葵

藿志常存。大政資經畫。訏謨待討論。還期  
作霖雨。爲國沛殊恩。

聖製賜尙書勵廷儀

喉舌宣王命。綱維轄衆僚。星辰環紫極。劍  
履上青霄。獨坐心常凜。西曹法自昭。書思  
頻獻納。退食肯逍遙。

聖製賜侍郎蔣廷錫

三  
立政資良佐。宣猷重貳卿。樞機同出納。郎署仰澄清。自合稱華選。還期矢樸誠。在公勤夙夜。懋績有賢聲。

聖製賜侍郎史貽直

率屬分曹地。望崇位躋卿。貳賴和衷彤墀跡。躡中臺履。玉佩聲含曉殿風。勿憚賢勞親吏職。好將兢業亮天工。公忠不負衣冠。

選槐棘均叨雨露同。

聖製賜大學士張鵬翮暫假葬親

孝思忠悃本相成。蜀道迢迢去帝京。自是  
白雲增戀慕。非關綠野樂幽清。松楸得展  
酬親志。魏闕長懸報國情。好待瀧岡封馬  
鬣。速還黃閣贊昇平。

謹案

列聖宸章。

皇上睿製。

賜臣工者不下數十百首。茲編敬登。

賜內廷侍直及掌院事。任教習者。後俱倣此。

高宗純皇帝

聖製甘露普降。特召大學士內廷翰林圓明園泛舟游覽。卽事成詩。同諸臣面賦以誌。

一時勝賞乾隆三年六月六日也

偶因幾暇事游觀。特許儒臣禮數寬。霽見  
山容凝翠黛。風披水面縐冰純。泛舟共勗  
濟川訓。卽境還思力穡難。前日甘霖敷澤  
遍。新詩分賦誌同歡。

聖製賜大學士嵇曾筠

海疆三載耀台星。沙漲金隄瀆協靈。此日

黃扉資贊化。昔年絳帳憶談經。旌揚浙水  
行來遠。路指燕山望裏青。料想微疴應早  
復。丹誠平格享遐齡。

聖製大學士福敏久未入直爲賦長句賜之  
爲憶傳經開絳帳。還教贊化入黃扉。精神  
秋水原無滓。氣象光風却久違。武相只今  
勞杖履。文丞應卽整裳衣。喜逢長至晴和

候待步金門暖日暉。

聖製侍郎梁詩正舊日講學臣也以父年屆  
七旬乞與二品封誥特允所請並賜以詩  
舊日文章彦熙朝卿貳班重邀花誥寵不  
異綵衣斑堂有槐三本門如水一灣更思  
躋壽世希瑞遍塵寰。

聖製每有吟咏輒以示大學士並南書房翰

林等或命依韻迭和非以辭藻相誇尙幾  
暇之餘相與優游翰墨亦可以陶性情驗  
政事比之徵歌選舞不猶愈乎因書以示  
之

宣尼曾有訓羣居不及義況在君臣間尤  
貴同茲志譬彼舟楫具大川方堪濟彼民  
有隱情孰爲達其意或政有偏頗孰爲防

其弊。三百一言蔽。曰惟無邪思。可知詩教正。其葩乃餘事。維予忝民上。奉三而出治。所愧理未純。因之政多戾。皤皤二三臣。咸具經邦智。濟濟翰苑英。亦有責難誼。因言匡不逮。所益良匪細。若徒獻頌詞。恐滋後來議。

聖製賜大學士鄂爾泰

早年勲績振南蠻。黃閣論思久任艱。五載  
憂勤肩變理。兩朝寅亮首清班。允期舟楫  
川同濟。何啻門庭水一灣。申甫蕃宣周碩  
輔。敷予惠澤滿人寰。

聖製賜大學士張廷玉

喉舌專司厯有年。兩朝望重志逾堅。魏公  
令德光閭里。山甫柔嘉耀簡編。調鼎念常

周庶務。勞謙事。每效前賢。古今政績如懸鑑。時爲蒼生咨惠鮮。

聖製賜大學士福敏

元老由來衆所儀。巖巖班列帝王師。每當咨治披香日。恰似談經絳帳時。入贊經綸常補闕。退朝劍佩自委蛇。兒行學始循佔畢。啟導重勞下講帷。

聖製賜大學士徐本

黃閣登賢俊。清時佐化工。調羹推贊理。運  
軸每抒忠。恩澤敷霖雨。絲綸布異風。愧予  
非舜禹。弼亮古今同。

聖製賜尙書史貽直

中樞掌九伐。峻望近三台。經畫資心膂。訏  
謨佐鼎梅。常存葵藿志。不愧棟梁材。書思

恒繩糾嘉猷佇獻來。

聖製九月九日爲大學士張廷玉七旬壽日  
時朕出口未迴詩以賜之

厯掌絲綸佐斗樞。心依行在想晨趨。時大學士

承朕命在朝總理諸務。最欣佳節當初度。要識元衡

半老儒。潞國晚年尤矍鑠。呂端大事不糊塗。  
絨詩並寄黃花酒。看取灤灤湛露濡。

聖製題張鵬翀所進春林澹靄圖卽用其韻  
輕抹雲嵐瀑布垂。森森玉筍間疏眉。詩禪  
畫偈相參處。正是春林澹靄時。

無須海賦詡春毛。珥筆詞臣有伯高。漸近  
清明緣望雨。何曾開宴賞天桃。

只疑濃處欲生雲。高下林巒疊翠文。寂寂  
草堂無客到。一谿煙靄與平分。

香案應教仙吏承。丹霞門戶許誰升。螭頭  
奏對春風裏。寫出春林亦絕勝。

大地春光畫早成。花花草草自舒榮。品題  
卻倩幽人筆。靜對蕭齋意轉清。

吟詩不用錦囊求。妙句還多趙倚樓。此日  
金蓮爲誰徹。他年佳話紀池頭。

謹案

高宗純皇帝題詠詞臣繪事之篇。最爲繁富。

茲謹就

賜和者恭載。

聖製題庶子張鵬翀所進日長山靜便面卽  
用其韻

繪苑曾聞紀董祥。詩筌畫構可參詳。定知  
寂寞長安舍。素絹牋麻足幾箱。

子西佳句小年時。箇裏能教日影遲。雨後  
清和山色好。新茶處處展槍旗。

半是山僧半是農。卧聽隔嶂晚來鐘。疎籬  
野約無人到。灌木叢陰綠正濃。

似有嵐煙縈澹澹。如聞溪溜響摐摐。桃源  
不是人間世。策杖村翁眉宇龐。

彷彿前生是葛三。畫簾瀟灑擅江南。大癡

更擅坡仙筆。勅敵江山兩不慚。

野流無定西復東。茅菴晝掩深山中。坐對  
身如圖畫裏。虞琴一撫南薰風。

山中無地起樓臺。面面巉峯入座來。消得  
日長誰與共。一聲孤鶴碧雲隈。

夢想華胥太古天。肯因翫物擘吟箋。幽風  
圖繪當年事。肝食宵衣倍體乾。

聖製大學士福敏七十壽辰詩以賜之

前世文昌宿。當朝王者師。典型鵷鷺序。標  
準鳳凰池。有問鳴鐘應。方瞻霽月披。耆年  
緣令德。初度值良時。堂敞槐陰茂。筵開日  
影遲。春風坐綺席。仙酒介龐眉。允賴經綸  
手。猶踈弟子儀。壽身兼壽世。長佐太平基。

聖製剪園蔬賜大學士南書房翰林等

畦圃秋來候。蔥蘢雨足時。梳風煙甲冷。烘  
旭露華滋。穡事因堪驗。天工藉可推。許甘  
藜藿味。退食任委蛇。

聖製武試畢還宮太液池泛舟詠雪示詞臣

張鵬翀

瀛島三珠樹。江城五月梅。液池猶灩灩。瑤  
蕊正皚皚。著柳如添絮。溶波似醖醅。同舟

羞李郭。賡韻有鄒枚。

聖製澄海樓聯句

乾隆八年十月十六日自盛京歲事還京  
道入榆關登澄海樓望海雪霽千峯波明  
萬頃天容海色洵屬奇觀時張照梁詩正  
侍從因與聯句凡字畫涉水部者概不用  
仿歐陽脩咏雪禁體也

聖製 康回昔憑怒。使地東南傾。太始本無始。

常盈是不盈。雙丸出其裏。元氣鼓爲

營。島嶼藐拳石。

臣張照

聖製 軒樓敞繡甍。龍窓疑貝闕。彷彿見瑤京。鞭

石橋終斷。

噓烟市乍更。星槎何處轉。鼇柱若爲

擎。邈矣端倪豁。

臣梁詩正

聖製雄哉氣象崢。禹功思四載。秦業剩孤城。萬

壑朝宗此。

織珠茹納并。由來無寸土。亘古只空

明。直上到天險。

臣張照

聖製

橫陳據地振。目迷光晶皓。耳駭聲砰轟。精

衛填難盡。

長虹駕可成。三壺遠縈帶。重巒銷飛

鯨賦羨木華博。

臣梁詩正

聖製

吟推玉局英。平鋪厯劫雪。喜遇初冬晴。望歎曾聞若。

來遊誰逐靖。內光含煜煜。陰火涼熒

熒。絕域隨風達。

臣張照

聖製

方諸應月呈。坎重不失信。天一乃居貞。此樂韶觀止。

如山聖景行。空傳香象踏。謬執窄蠡

評。有以謙能受。

臣梁詩正

聖製  
虛將白白生。苞乾恢度量。吐日煥晶瑩。永

莫寰區晏。仙鄉底問程。

聖製題張鵬翀秋林讀書圖卽用其韻

前席曾聞室號宣。肯教揚子嘆袍穿。偶將  
繪事酬清問。也道經書在說研。

聖製大學士徐本以病請致政暫允歸籍調  
理行有日矣詩以賜之

枚卜資賢輔。調元贊眇躬。攄忠一心切。論

道八年同。績茂台衡列。勤宣警蹕中。

去年曾扈

從往謁

祖陵

百司方仰矩。二豎偶興戎。遽爾

辭榮祿。能毋遂退沖。青門名不減。黃閣惜  
何窮。別緒紛秋日。歸舟急北風。尙期食履

健。重入綈扉崇。

聖製題張鵬翀翠巘高秋圖用其韻作七古  
示之

問我繪事應師誰。橫嶺近在帝城西。從來  
師心非所貴。師古道遠勞攀躋。鵬翀汝詩  
說筌蹄。欲侔元白志不低。我於詩畫涉藩  
籬。安能示汝匪手攜。得其環中游方外。疇

謂半偈非全提。佳節展汝山水奇。興酣走  
筆一漫題。黃花笑我拈吟髭。蕭蕭寫影臨  
清溪。

聖製幸翰林院謁

至聖祠因示諸臣

蘭臺移法駕。柏殿禮

先師。重道非徒重。斯文固在斯。千秋垂法

則一室儼金絲。景仰高山近。休辜浴鳳池。  
聖製清秘堂偶題

崇文稽古豈虛名。翰苑維新此落成。羣彥  
數過十八會。小春暖湊一天晴。冬池澹沲  
猶澄鑑。夏屋徘徊獨暢情。盆菊無言應有  
意。自慚踈散也登瀛。

聖製尙書張照偶患胸膈之疾命醫診視並

賜乳酥調理伊頗以止酒斷腥爲苦詩以解之

名醫今世孰岐黃。安得青囊繫左肘。昌陽

引年訾醫師。韓子以是相深咎。酌中用之

斯在人。上藥詎非延生偶。

嵇康養生論不知肴糧無充體

之益但謂延生非上藥之偶。

邇來謝病掩寓扉。臨池應

澁蘇黃手。乳酥溫甘益心神。不如芻豢徒

悅口。聞五食丸最利膈。尙忌鮮腥與醇酒。

如受二戒卿所云。

張照奏摺中。卽使膈不時愈而私幸已受菩薩

二戒於此起心分別否。慧識早已建法幢。  
云云。

欲措一詞吾何有。頗記宣尼尙有言。下學

上達終須守。

聖製大學士鄂爾泰自去冬有手足不仁之  
症入春尙未痊可昨具疏乞休旣不允其

請詩以慰之

黃閣絲綸寄。明廷鵷鷺儀。長期與壽國。偶  
爾用求醫。彌月心頻繫。方春候漸宜。股肱  
人有藉。參朮效偏遲。玉蕊爭輝夜。銀牋賡  
韻時。新春與大學士張廷玉及內廷翰林  
等小宴重華宮有聯句思賢輔之句  
當歡勞耿耿。簪綬漫先辭。

聖製張鵬翀給假回南進詩紀恩因用其韻

詩以賜之

煙花遲節令。三月仲春如。詩句天公賦。歸  
帆風力舒。門無新署鳳。家有舊藏書。香案  
需供奉。休耽五柳居。

聖製臨故大學士鄂爾泰第酌酒

青宮德義傳。黃閣股肱臣。永賴調元化。何  
期作古人。百僚失矩範。十載憶忠純。適去

空騎尾。悲來底忌辰。嘉猷人盡識。

昆命我須遵。

雍正十三年大學士配享

皇考遺詔以太廟朕弗敢

忘

國有旌賢典。欽哉步後塵。

聖製賜大學士徐本

卿歸里將一載矣。比聞語言動履。漸卽輕便。想血氣和調。平復非久。賁然有日。跂予望之。炎夏火流。林居差勝。明湖鷺嶺間。扶

昇蕭散。卿亦宜有以自樂。惟是幾暇從容。  
清吟消夏。興復不淺。而曩時賡和之侶。卿  
乃遠在江湖。懷不能已。聊寄以詩。

道義愜同好。衣冠崇老成。八年資贊襄。千  
里睽音聲。宿疾今何似。秦醫胡不靈。每懷  
故老凋。錯落如晨星。臨風瞻越雲。惘惘心  
靡寧。長夏宜林居。山水秀且清。峯迎南北

翠月印三潭明。卿雖適江湖。豈不念朝廷。  
努力加餐飯。慰予跂望情。

跂望情何極。頻年共濟人。爵祿非所私。義  
難阻歸輪。常謂二疏去。於道昧致身。卿以  
謝病返。安忍責愬分。

愬分亦已久。日歷冬春夏。乃知白駒速。寸  
晷不相假。看禾新雨後。把卷萬幾暇。披薰

對南風。心因到越下。所願眠食佳。早整歸朝駕。

聖製覺生寺大鐘歌用沈德潛韻

鼉謀弗善野戰龍。金川門開烈焰紅。都城百尺燕飛入。齊黃羣榜爲奸兇。成王安在乃定案。夾輔公旦焉可同。瓜蔓連抄何慘毒。龍江左右京觀封。謹嚴難逃南史筆。懺

悔詎賴佛寺鐘。道衍儼被榮。將命犍椎冶。  
盡丹陽銅。穹窿重過萬石簾。印泥精鏤禪。  
機鋒夏屋十尋虞不舉。鯨魚盈丈方堪春。  
山靈水族無不具。魍魎魍魎怪哉蟲。欲藉  
撞杵散憤氣。安知天道憐孤忠。榆木川邊  
想遺恨。鳧氏徒添公案重。憶昔遨遊西海  
子。水天上下玻璃空。一川可通萬壽寺。簣

緣偶挹曹溪宗。喬松偃蓋假山古。傑閣巍  
巍獨據中。洪鐘在懸洵偉觀。聯吟更喜昆  
弟從。蒼黝其色蟠其紐。中宏外聳何隆隆。  
華嚴字跡傳沈度。半滿全揭開羣衆。覺生  
鹿苑

皇考創材飭內帑。羣鳩工謂是善吼周沙界。  
乃從舊寺移乘風。太清十里渺乎小。日日

演梵聞離宮。耘考已廓苾芻眼。摩挲更暢  
騷人胸。不離一步鐘如是。東西分別心猶  
蓬。我惜德潛老始達。其詩亦復倫考功。成  
編著作呈乙覽。不聞肯作蓀伴聾。獨愛長  
歌踐其韻。非侈藻采爭雌雄。載賡酬唱古  
弗廢。詩話千載留芳蹤。聖經佛旨究異路。  
將以何道訓成童。於論於樂備法物。安可

以此歸辟雍。安可以此歸辟雍。不如任彼

出林大且逢。

末數語反德潛詩意。

聖製秋日翦園蔬。賜大學士並內廷翰林等

蔣溥爲十蔬圖以進。並系以詩。因用其韻

答之。

植援拓圃驗生生。玉莢紅牙雨後成。湘筐  
不妨供下箸。野芩聊藉樂吹笙。

秋烟籬落靄斜暉。分賜還教蝶伴飛。藜藿  
應須知此味。膏粱底用羨他肥。

論宗樂志淡而奇。味道端知甘勝飴。譜創  
十蔬多別致。豆棚瓠架入新詩。

空傳蒲萐扇堯厨。蔬穀從來勝玉珠。文翰  
侍臣偏領畧。豳風七月早成圖。

聖製內閣學士沈德潛乞假葬親詩以餞之

我愛德潛德。淳風挹古初。從來稱晚達。差  
未負耽書。方藉通元筆。胡懸韋孟車。其如  
感風木。暫許返林間。南國欣歸陸。東門漫  
擬疏。江鄉春興懶。能不憶金除。

聖製秋日瀛臺集臣工宴賞旣仿柏梁體聯  
句復召大臣及內廷翰林等三十八人用  
唐臣李嶠侍宴甘露殿詩爲韻依前歲翰

苑故事朕成首什及末章羣臣以次分賦  
蘭舟玉螭風珂馬金鰲月令日秩威儀文  
筵盍簪笏。

皇祖垂芳型。元臣會華髮。旨酒於以柔。晚香  
猶未歇。拈詩得李嶠。成序懷王勃。申谷山  
甫儔。其何補袞闕。

白藏昌百嘉。西苑駐重牙。翔鳳閣名馡香穗。

遊龍舟名捲浪花。喜因歌黍稌。政可問桑麻。

水影含橋直。山容入座斜。杯浮漿是濯。盤進棗如瓜。侍宴詩成處。還看飛暖霞。

聖製沈德潛爲其父請封陳親遺訓聲淚俱下。此所謂終身之慕乎。甚嘉憫焉。從其請而賜之句。

書笈舊行裝。逝將返故鄉。成名髮驚白。錫

類詔膽黃奚用悲寥落。應知遂顯揚。虎邱  
陳奠處。不愧教忠堂。

聖製黃金臺用沈德潛韻

都城定興安肅。易州皆載有金臺。德潛詩  
曰。照薊門。淡亦指都城者言之。然李善引  
上谷郡圖經云。臺在易水東南十八里。則  
易州似有據。或者當時昭王延訪心切。置

金於臺原不一其處也。

堪尙白駒意。黃金到處臺。拔茅茹以彙市。  
骨駿應來。易水尋流渡。秋雲爲客開。伊人  
題句後。誰復鬪詩才。

聖製沈德潛乞假塋親畢還朝詩以賜之

朋友重唯諾。況在君臣間。我命德潛來。豈  
宜遽引年。瀧岡表阡罷。白駒來賁然。卽此

至性肫令我俞以憐。畫錦匪所誇。孝烏或

致焉。席前陳民瘼。不負余諮延。兒輩粗知

書。善爲道孔顏。

先是未還朝時。有輔導皇子之命。

聖製以詩代書存問福龍翰先生

經時未到禁門邊。食履多宜心泰然。月霽

風清煩暑遠。忽教重憶講帷前。

聖製書詞林典故序畢因以賜大學士張廷

玉兼成四絕句。

儘有研京並鍊都。導言何用但吹竽。便將  
翰苑登瀛譜。喚作卿家世系圖。

日影花磚鈴索靜。春風芸署榜題雙。寶山  
自古稱佳話。事業何人繼曲江。

韻集燕公四十賢。晨星數罷一凄然。卽看  
壁府裒成帙。重憶柯亭劉井邊。

見說房公獨善謀。皤皤長領鳳池頭。更兼  
兩世桓榮席。誰不云然勝一籌。

聖製予告尙書魏廷珍家景州。朕因東巡道  
經是地。扶杖來謁詩以賜之。

杖許扶靈壽。衣看服遂初。遺榮辭魏闕。頤  
老返鄉閭。便道因來爾。同堂憶贊予。白駒  
誠不駐。林下幾三餘。

聖製九月五日詣暢春園恭請

皇太后聖安卽視事於觀瀾榭引見於大西  
門其地長樓橫亘卽

皇祖曩時閱射處也爰親御弧矢集近侍諸  
臣較射時惟深秋風高日晶氣候清肅弓  
手相調連發二十矢中一十有九儒臣侍  
列與觀者援唐臣元武闕觀射故事賦詩

進覽因用侍郎齊召南韻成四律紀之

暢春松柏茂南山。

王母樓臺瑞靄間。侵曉問

安欽養志。競辰考政敢偷閒。惟寅宗伯應輪  
直。啟事山公更合班。次第指揮還有暇。便  
教玉靶一親彎。

延樓橫嶺正相當。遙見扶空樹葉黃。

示儉已看霏細草。縱禽底用獻長楊。論文誰  
繼伯僑庶。較藝原多斛律光。安不忘危古  
有戒。金川況未靖天狼。

憶年十二此呼嵩。

聖眷靈承象不同。每向月輪能中鵠。遂蒙

天笑亦頒弓。

予侍

皇祖於此閱射。時年

甫十二。蒙

皇祖指授射法。

輒能發矢命中。仰荷  
嘉獎。倏忽二十餘年矣。

玉墀肅列猶鴛

皇朝詩林身古 卷三  
鷺。匡衛紛趨如虎熊。我遜貞觀能致治。且  
循習射教臣工。

秋原馭娑一鳴鞭。遠入煙隄近柳前。橫過  
綠殘紅重嶺。俯看雲白菊黃天。幞頭導中

誠堪笑。

元周密燕射記。淳熙元年。孝宗幸  
玉津園。講燕射禮。立招箭班。紫衣

幞頭。立於垛前。御箭之來。  
能以幞頭取勢。轉導入的。連網周法。未是

田。歷覽西成堪額慶。敢忘兢業詡豐年。

聖製大學士張廷玉年幾八袞猶日趨朝念  
其敬慎夙著特加優禮命五日一入內廷  
備顧問如宋文彥博故事更成是什以勸  
有位

職曰天職位天位。君臣同是任勞人。休哉  
元老勤宣久。允矣予心體恤頻。潞國十朝  
事堪例。汾陽廿四考非倫。勗茲百爾應知

勸。莫羨東門祖道輪。

皇朝詞林典故卷三

皇朝詞林典故卷四

天章

詩

高宗純皇帝

聖製侍郎沈德潛以能詩受知因命編校御  
極以來詩集旣竣事念其年將八袞許之  
歸老吳中賦此以賜

清時舊寒士。吳下老詩翁。向每誦新句。猶然見古風。行歌非杜誤。晚達勝郊窮。三載

春卿署。扁舟故國鴻。還朝嘉爾信。毓德啟

兒蒙。

德潛侍諸皇子講讀。前年請假南還。慮其年老。將不果來。後竟如期赴闕。

朕甚嘉焉。辭老思萼碧。遺榮解組紅。豈能頻強

起。且以風去聲謙沖。近稿經商榷。相知見始

終。

聖製侍郎沈德潛予告南還進呈紀恩四律  
依韻賜之

已週花甲舉春官。玉署皤皤冰雪顏。道在  
心期耽素帙。老來歸計指青山。煙波應共

聞琴鶴。詠賦休疎馳字鵬。

命德潛有所著作。許寄京呈覽

高尙特教還故國。清標終惜去朝班。

年來朝夕直書廬。兒輩詩文啟迪餘。故事

舊傳榮祖帳。鄉風好在足尊魚。靈蓀藥劑

供延壽。賜帛衣裁稱遂初。

德潛將行。賜之人。獲宮帛。爾

自一舟歸浩蕩。望窮潞水暮川虛。

君職臣司祇一欽。得將餘事寄賡吟。笑予

結習多難遣。嘉汝臨文不忘箴。欲擬元音

崇淡泊。相商時調去艱深。

近稿曾命德潛校正

此行

試問生涯處。香水寒山適靜情。

林下優遊樂薜蘿。依依老景任婆娑。善教  
故里成通德。詎止幽人詠碩莪。儘有烟霞  
爲供養。正賒歲月入謳歌。許卿望九還康  
健。祝壽重來拜玉坡。

聖製題蔣溥寫生卽用其韻

露玉風金塞景清。秋花待客發幽榮。拈來  
迦葉不禁笑。問去嵇含無定名。細朶含颺

銀麝艷斜枝映水錦粧明。師承家法閒圖

出。

溥父廷錫向曾扈

駕塞外。

右相丹

圖山花以進是圖仍舊稿也。

青有後生。

聖製題蔣溥畫金蓮花卽用其韻

一種清涼卉。

是花以出五臺者爲美。茲塞上亦有之。

數叢金

碧纖畫成塵外質。餅貯靜中醺。相映金風

拂。惟輸玉露霑。不須分彼此。佛手早經拈。

聖製大學士勤宣伯張廷玉屢以年至乞休  
慰留未允近見其齒躋大耄精力視前較  
減優旨予告俟開春冰泮登舟賜詩三章  
以示眷注

早懷高義慕懸車。異數優留爲弼予。近覺  
筇鳩艱步履。得教琴鶴返林閭。銀毫無奈  
吟輕別。赤芾還看賦遂初。擬問蘭陵二疏

三言詩本具古  
傳。可曾廿四考中書。

兩朝綸閣。謹無過。況復芸牕。藉琢磨。此日  
蘭舟歸意定。一時翰苑。悵思多。善娛鄉黨  
消閒晝。穩趁帆風。送去波。南國詩人。應面  
晤。爲詢食履。近如何。

坐論朝夕久。勤宣間。別何能獨。愬然同事  
當年。今幾在。得與碩果。又言旋。江湖卿樂

真饒後。廊廟吾憂詎忘先。指日翠華臨幸處。歡顏前席問農田。

聖製致仕侍郎沈德潛具摺請安并錄進詩文稿賦此賜之

興居封事寄南雲。快讀新詩益慰欣。起我七言還借爾。嘉卿一念不忘君。黃山雲海觀何壯。德潛今歲尙杖策登黃山。綠野林泉咏更芬。爲

語餘年勤愛護。來春吳會共論文。

聖製九月十有二日途經趙州小憩柏林寺  
閱殿壁吳道子畫水舊蹟召扈蹕文臣梁  
詩正等刻晷聯吟禁用水部字

聖製花宮來九月。稽寶登三秋。唐壁懸吳畫。

香林駐

御騶塗聖粉痕古。縱橫墨暈稠。具體文兼武。

臣梁

詩正

聖製搖毫放更適。嘗聞工變相。今見跋陽侯。禁

體例癸亥。

癸亥年登澄海樓。與張照梁詩正聯句。亦禁用水部。

強顏追應劉。佛日光皎皎。仙風響颼

颼。咫尺論萬里。

臣彭啟豐

聖製筋力迴千牛。或靜符地德。或動與天遊。翔

陽常逸駭。

皇朝詞林典故

卷四

天章

六

罔象窮冥搜。十指捫欲縮。雙睛眩難

收。能事開元埒。臣劉綸

聖製奇觀廣陵侔。兩孫彼固遜。一勺吾將投。茹

納百川此。

髣髴三島不。鏡象埽塵劫。勁堂叅芥

舟。乾維擅密運。臣梁詩正

聖製坤軸環遐陬。龍門啟峯嶺。鹿苑騰蛟虬。曠

哉八功德。

邈矣大琉球。砰磕撼素障。縹緲凌丹

邱。那得并州剪。

臣彭啟豐

聖製

何必中山求。

謂定州雪浪石。

馮夷方擊鼓。乾闥將

成樓。隱名名越顯。

繪聲聲若酬。魚龍卧豈穩。雲夢吞應

愁。萬斛斟。

天筆。

臣劉綸

聖製一晌停吟眸。含虛體無物。攻堅性不柔。因

喻致治理。持盈保天休。

聖製上元行幄賜宴觀燈卽事聯句

聖製青郊行慶共民娛。上苑觀燈景畧殊。玉鬣

團團臨廣幕。

銀花璀璨散平蕪。遙山橫雪光添炯。

上日占年瑞表符。大地陽和迴北極。

臣梁中宵景慶映南弧。琉璃河畔冰

猶合。涿鹿城邊草未蘇。載道人歡瞻

罕畢。臣汪由敦

聖製初筵賓序列。翬飴御營酬。節鰲山設春酒

稱觴

鳳輦扶。繼照曦光成不夜。

先春林采競交。玳瑁挂定欹還整。  
緋佩飄來綴復紆。響入長天迴雁陣。

臣錢

陳羣烟留遺穗滴蓮壺。千枝艷欲欺

張令。幾曲詞應失石湖。寶界光明皆

佛國。

臣梁詩正

聖製

蕊宮離蔚自仙都。爲添佳話傳燕趙。便閱

亨衢達越吳。真是攜來三學士。

驚看捧出

百驪珠。七襄錦爛天孫織。萬道金流列缺驅。

飛卷紫瀾騰墨海。臣汪由敦點成銀汞出

丹爐。盤旋羣鶴自來去。曼衍鯨魚乍

有無。狀噴璣璇題趺笑。臣錢陳羣

聖製助歡羆虎召都盧。傑池火樹還翔燕。霍靡

冰荷欲隱鳬。尙憶貧家一盞對。

合教天上六么輪。雲和鳳琯吹陽律。

法部鸞音叶野飲。冰宇雷轟喧櫪馬。

臣梁 詩正 幔城風靜立竿烏。行聯萬歲宜。

春字。巧繪羣真獻壽圖。眩目紛披憑。

鬪捷。

臣汪  
田敦

聖製

摩肩攢聳任招呼。旌門不禁來蒼叟。蠶事。

相迎祀紫姑。詎必廣陵誇獨盛。

須知于蔦賞。寧孤空中論。斗傾紅豆。

瓶裏駢枝綻綠芙。色瑩寒芒連五緯。

臣錢粧翻新樣雜三銖。金繩斜曳催

陳羣。弦矢綵駕高懸轉轆轤。

香案氤氲垂朶朶。臣梁

詩正

聖製絳衣舞蹈唱喁喁。風雲龍變真神也。頃刻

花開有是乎。到處長安太平節。

勝邀蓬島列仙儒。問閭喜氣覃三輔。

巷陌歡聲接九衢。道協賡颺時正泰。

臣汪由敦爰占宴衍義爲需。要祈南畝書

豐穀不數東都賜大酺。屑飭琅霜凝

粃粃。臣錢陳羣

聖製香浮瓊液得醍醐。華裯坐侍衣冠會嘉夜

歌傳昭曠途。漫擬鴻文揚豫大。相期魚直

進討謨。

聖製賜沈德潛

水碧山明吳下春。三年契濶喜相親。玉皇  
案吏今煙客。天子門生更故人。別後詩裁  
經細檢。當前民瘼聽頻陳。老來底越精神  
健。劫外胎禽雪裏筠。

聖製焦山古鼎歌和沈德潛韻

造物精氣屯於屯。周宣石鼓此仲昆。二物  
不共滄桑變。似與姬氏留乾坤。昔步太學  
撫十列。今來浮玉瞻獨存。詎嫌梵唄雁堂  
寂。飽諳世態龍宮蹲。禹鑄九鼎象百物。魑  
魅魍魎褫神魂。周衰楚乃問輕重。定邾沉  
泗紛迹痕。何以鐫泐傳世澤。明標五字無  
多言。鼎上有錫廷臣世  
惠五字見德潛詩。是時風露正澄霽。

昨夜丁甲已。指捫初如天。閬闔虎豹復如  
地。軸巍崑崙。坐令百慮靜。一旦瞥見法器  
當空門。歆雲吐景耀。光采沕沕穆穆。胚渾  
渾。底須石鼓合。豐劍千秋宜。鎮化人園。奸  
相覆餗。何取此。誠哉利足使智昏。韓蘇大  
筆。彼兼擅。德潛長歌。此獨論。從來詩人志  
磊落。要令一發萬氣吞。山頭時見鸞鶴下。

江面靜閱羲娥奔。德潛強韻我步元。奚用  
君門排九閭。

聖製尙書梁詩正之父壽屆八旬特加恩晉  
封一品詩正適扈從南還因許給假留侍  
旬月詩以賜之。

錫類榮加五色封。扈隨奉養許從容。膝前  
喜勝三牲備。身畔先看一子從。  
其長子翰林梁啟心。

請告家  
居侍奉。盛世祥膾炙桑梓。高年人伯仲喬。

松。教忠優老巡方志。越水吳山瑞靄濃。

聖製翰林院侍講劉起振年一百三歲自粵  
東來浙迎駕詩以賜之

台背聳隆肩。來瞻蹕路邊。成名後梁灝。得  
壽擬彭錢。人瑞今猶古。經傳後繼前。越都  
無慮遠。應是地行仙。

聖製和沈德潛山居雜詩十首韻

德潛蘇人也。家居葑門。而構別業於靈巖之陽。適駐蹕於是山行宮。欲訪其廬而未果。茲當迴鑾。故和其山居禱詩書以賜之。且誌別也。

遂初纔就賦。選僻早成居。香火聯新社。承明憶舊廬。對山開月戶。問景入煙墟。不可

食無肉。豈還經帶鉏。

晚達頭先白。旁求姓早聞。銅龍勞課子。金馬重研文。暫閱京華景。歸眠震澤雲。省方欣便晤。底事又重分。

雅稱幽人里。常臨香水溪。梁春看燕入。埭曉報雞啼。漫憶著簪舊。堪醒巖電迷。齊眉鮮同老。况汝賸梅妻。

碧海鯨魚掣老成。許爾真陰鏗似奇句。王  
翰卜佳鄰。支俸教終老。持梁漫歎貧。優游  
林屋下。可以答良辰。

江山數千里。不隔在知心。力豈勝簪紱。閒  
堪校詠吟。巖扉白雲迴。門徑綠苔侵。阿那  
北牕下。無弦好蓄琴。

得友樂三益。卜居號四宜。有奇酬問字。無

病謝求醫。雨後東郊日。春前西崦時。籃輿  
惟一子。便倩里中兒。

鬪茶傾石鉢。載菊泛蘭船。鶴侶宵談月。鷗  
心波穩煙。松姿依巘古。鐘韻帶霜傳。探勝  
無多挈。惟將筆硯前。

吳下業書傭。居然八十翁。從嗤枝鹿野。曾  
侍玉鸞宮。茅屋千山裏。溪田一水通。課耕

時復出。蓑笠雨絲濛。

盤石聊宜坐。飛泉亦入聽。來禽撫舊帖。相  
鶴續遺經。寄興屬霄漢。搜題窮杳冥。詩人  
今古有。誰占此巖靈。

雄談每抵掌。豪詠卽雕肝。意與高秋潔。心  
如具水寬。坐言行豈負。時出處還安。應有  
玉堂夢。寸心寧改丹。

聖製沈德潛進南巡詩章並所和詩至再疊  
舊韻賜之

塞山七月似三春。竭詠賡章意倍親。恰好  
清秋此瓊室。又逢南國彼詩人。功稱德頌  
曾何益。吏習民艱要並陳。節相老來還喜  
事。爲卿特地答筒筠。德潛居鄉。每命督撫  
代進奏摺詩章。是篇  
適高斌代爲奏至  
木蘭行營。故云。

忽憶勾吳清麗春。底須南北較疎親。重吟

迎蹕篇中句。似有捉刀牀畔人。南巡諸作原難爲工。

德潛老矣。亦不必以是爲工。所進三十章。似出代作。因深知德潛手筆。故戲及之。

百二十章心窟蘊。所和詩百二十六章。則皆德潛所作。非他人所

能到。甲乙丙夜案頭陳。靈巖阿那青楓坂。問

爾孤登可藉筠。

聖製賜顧棟高

老不中書尙著書。

棟高。雍正年間曾爲中書。

皤然鶴髮

被簪裾。澹辭待詔來金馬。榮爲通經到玉除。詎曰宸嚴常穆若。欲諮民隱便傷如。題屏合倣王家例。一語還湔足起予。

文章風雅數東吳。誰似沉潛味道腴。爲慕談經虛左席。用宏錫類慰慈烏。從教馬鬣榮光賁。要使蓬門義路趨。不是沉香呼學

三言詩林典故 卷四  
士貂璫扶掖重淳儒。

聖製沈德潛和韻有林壑已安仍戀主潞河  
歸棹敢云遄之句因疊前韻賜之

人間果見地行仙。鵷鷺行中鶴羽鮮。恩許  
追歡謂恬若。情殷惜別乃悽然。此人此語  
仍如昔。吳水吳山正有年。分付春風莫相  
忘。好吹帆影再來遄。

再來應是歲庚辰。庚辰爲朕五十萬壽年。會與德潛訂約。屆期來

京祝慶。珍重高年命屢申。早識雲卿擅當代。

不教疏傳獨前人。華茵聯句朋猶昨。綺閣

懸燈物共春。眠食倘彊思亟見。宴陪撒荔

莫辭頻。

聖製賜別沈德潛南旋之作

聞道冰開潞水隄。歸舟無那挂帆旻。剛欣

西苑重酬唱。又向東風惜解攜。杜老終懷  
故鄉樂。謝公曾眷友人睽。百寮儘有懸車  
者。囊載宸章孰爾齊。

聖製壽原任大學士龍翰福先生八十初度  
光霽由來衆式觀。絳帷黃閣領儒冠。身名  
應擬濟南伏。年德原同沛下桓。松鶴作朋  
還侑酒。孫曾繞膝合加餐。還丹益算何須

藉。兩字傳經永不刊。

聖製賜錢陳羣歸里時陳羣有反穀之疾詩

以寬其意

三尸素所滅。二豎胡爲作。予告遂頤和。還

鄉諺如約。

浙江嘉禾長水塘俗名還鄉水。

陛辭意懇欸。請

詩應允諾。憐汝身日羸。壯汝神猶鑠。達生

有至論。庸醫無大藥。辟穀方赤松。先難後

皇朝詩林典故 卷四  
原樂。

聖製賜梁詩正終養還南

遺榮真合道。未老暫抽簪。甚悉忠懃意。寧  
如孝治心。歡承備鐘鼎。跡異樂泉林。翻祝  
歸朝晚。卿家慶倍深。

聖製錢陳羣養疴歸里進途中所作詩因用  
其會錦春園和杜韻詩率題書賜

北海惟客待。

錢陳羣詩。因孔傳。榘招遊而作。故云。

杜陵詎身

謀。勝會開名園。新詩步秦州。猶記陞辭時。

流火方新秋。何事大江北。閒尋谿壑幽。養

疴許謝莊。遁跡非田疇。故鄉山水佳。藥餌

頗易求。頤攝冀良愈。待泛還朝舟。江頭有

錦春。何妨一命遊。几杖兒孫侍。樽核賓從

稠。江湖信可樂。廊廟豈忘憂。遲遲有深意。

欲邁還停收。况彼五畝間。卷阿我曾留。卽  
是矢音地。扈賡憶從頭。詩筒附奏箋。翰苑  
傳風流。故知解脫心。疾等浮雲浮。從茲一  
葦南。遙望心與悠。

聖製蘇軾偃松圖向曾命張照題詠幾暇展  
閱因用其韻

神以行之氣以載。與真松不毫釐改。玉局

邈矣如晤談。况綈几曾供奉在一刹那頃。  
俱胝知喜其書亦味其詩。春音大地盍筦  
倪。徐視謾謾圖間吹。

聖製錢選三蔬圖用舊臣高士奇題韻

留下尋那見草堂。三蔬展尙欲生香。熾然  
一切有爲法。了識何曾者箇忘。

士奇別業在西湖之

陽地名留下。今已鞠爲蔬圃矣。

離披畦畔復籬根。淡味端知勝碩豚。偶憶  
湖西親所見。綠含煙甲溼黃昏。

玉堂侍從暫家居。博古餘閒學圃蔬。此意

足驚俗耳目。不堪兼致絕交書。

士奇詩題於家居養

母時。跋中有日食一菜自甘。不足爲外人道語。又趙孟頫絕交書真蹟。亦其南歸時所攜。有舟次題跋。今俱入大內。

聖製命蔣溥汪由敦董邦達修盤山新志卽

令入山遊訪既畢事詩以示之

親切名山全體圖。舊乘檢校正乖誣。名賢  
勝蹟思傳誌。其不傳能誌取無。

聖製蔣溥進所作塞外雜詠依韻和之

### 羶廬

耽逸懷居理則那。拂廬取便穩裝駝。放彌  
卷密施功易。水驛山程得景多。近渚恰宜

臨野蓼。依峯偏愛罨煙蘿。方圓毳幕施俱  
可。總是人間風月窩。

駝裝

鈴聲替戾度行駝。致遠擔勞有足多。訝可  
知風還聽水。最耽柳陌與沙坡。剛欣卸重  
成羣卧。又迫臨明逐隊過。飼秣恩誠思致  
報。崎嶇路亦慎防蹉。

馬絆

伯樂偏虞馬易馳。維連以絆出奇思。除將  
麋鹿難爲繫。任是驂騑亦設羈。卓立試嘶  
清夜月。恣眠常憶白莎陂。繫之亦欲飫之  
節。此事惟應善牧知。

風竿

雨朝風夕自飄搖。誰翦襄雲落絳霄。有意

恰知馬足倦。無言應解客心招。低翩高颭  
皆成畫。圓碧方紅各取標。最是幕中鼾睡  
徧。一竿月露漾清宵。

雨溝

雨脚飛來碧嶂頭。周防已作未然愁。落空  
任灑人形帳。就下都歸之字溝。漚漚應知  
看立涸。涓涓且擬聽新流。奚童畚鍤勤疏

鑿底慮。芬絲鎮相入。繆聲。

設卡

沿岡一帶勢連雲。露重莎平淨翳氛。鈴索  
宵明依制設。官郵今昨計程分。隍中祇慮  
聲驚獸。磧裏兼存意習軍。陳利誰何更無  
藉。頒禽也足當酬勲。

地竈

朝晡惟是供炊用。增減非關設計深。撥草  
乍欣逢舊穴。烹魚奚藉溉新鬻。聃觚未易  
尋常踞。墨突休言不待黔。移頓莫教輕掩  
棄。卽看昔製乃資今。

安市

車載肩挑逐逐來。營東遠列任囂厓。米鹽  
日計應教聚。蚩眩風澆未許開。縱便罷譏

何有惠。豈常負販不儲材。蠅頭笑彼旋糜。  
盡滿橐盈囊若箇回。

### 征衣

衣裁短後合時趨。打疊巾箱備遠途。豈是  
從戎歎離別。也須著意稱身軀。鵝梁漫誚  
輕濡翼。韋褶偏宜淡染蕪。頗有鄒枚尙寬  
博。果然實必與名俱。

銅晷

巧製伊誰意。最初不淆方位指南如。宵明  
長短無差報。十二時辰有定書。測景每教  
臨日下。尋題便以適幾餘。今人雅合分陰  
惜。陶侃名言實起予。

頒鹿

罷圍休息羽林羣。營外頒禽率未申。獨享

不盈饌腊藏。去聲均霑偏厚膳。虞人堆來已

看彌平壤。持去從教饋比鄰。自割懷歸且  
無罪。空還應慮細君嗔。

### 和詩

每因得句命賡詩。韻府類函儘覽披。畢竟  
老成還獨步。可憐後進亦攀追。古今風雅  
誠誰是。宵旰憂勤只自知。不覺賞花釣魚

處。呈箋難與辨妍媸。

聖製再登澄海樓疊前韻聯句 有序

乾隆十有九年秋。由吉林至盛京。恭謁  
三陵禮成旋蹕。以孟冬二日入關。再登澄海  
樓。距癸亥前遊。周一紀矣。閱壁間舊題。  
墨瀋猶新。爰續舉成例。命汪由敦。劉綸  
用禁體聯疊前韻。旣暢登臨。並誌歲月。

云。

聖製坤載既盤礴。坎德靡虧傾。脈屬天地氣。

量應朝夕盈。朱垠際閩廣。朔野奄幽

營。

再巡臨碣石。

臣汪由敦

聖製

重登俯雕薨。梁適侍子舍。

時梁詩正侍養南還。

張騫

返仙京。

張照已物故。

壁詩猶好在。

屋籌凡幾更。螺丸大塊點。肩負岑樓

擎。霞標傍檻矗。

臣劉綸。

聖製雪嶠羅牕崢。東叟尋蓬嶼。巨蜃吹層城。霧

露不辭受。

壑谷容來并。雲錦織迴紫。玉繩接通

明。陽侯逞陵軼。

臣汪由敦。

聖製嶽祇恣礎振。斫陣萬馬駭。突圍千牛轟。禁

體續前例。

罰期嚴後成。魏毫蘸勺蠡。牯餌投長

鯨。志怪蹟誰覈。

臣劉綸

聖製求真才豈英。一杯納日月。億劫噓陰晴。底

事稱白鷺。

奚從款紅蜻。爰居享韉輅。鮫室眩煌

熒。藏積梵書列。

臣汪由敦

聖製鉅最韓碑呈何無復何有曰虛亦曰貞赤

石靈運進。

綠綺成連行。遠航越裳候。奇賚賈胡

評。隱娥歸墟守。

臣劉綸

聖製颶母舶趁生。珊瑚周其趾。蠙珠耀厥瑩。壯

觀向空廊。郵籤漫促程。

聖製賜予告尙書魏廷珍

懸車辭魏闕。回駕返蓬廬。望九人中瑞。無  
雙林下居。精神益軒若。風度尙彬如。娛老  
詢何物。三朝有賜書。

聖製原大學士福龍翰先生輓詩

拖紳避省視。前冬先生抱恙時。朕親臨視。比於病中恐朕軫念。戒家人  
勿以聞。及聞喪。易簀慎初終。自昔賜場歎。  
往哭。尙未大殮。

從今融帳空。儀型失老宿。啟迪憶童蒙。未

皇朝詩林典故 卷四  
及詢楹奠於斯恨莫窮。

聖製和錢陳羣田園雜興十首書以賜之

庸醫望問覓形聲。氣餉三閭病豈成。我令  
歸田靜調攝。精神竟得復平生。

匆匆過隙白駒催。聞道家居七袞開。蹕路  
迎鑾多舊侶。就中頗喜此人來。

村舍何妨門縛柴。逃禪時有野僧來。惟應

戀闕心如炷。辨色趨朝志未灰。

前歲災鴻實弊勞。賑賙南望首徒搔。相逢  
爲問民蘇未。巡狩寧因問柳桃。

開年正可墾春畦。更喜柔桑葉漸肥。勸穡  
課蠶林下事。豈能高枕說閒歸。

武原舟放莫教遲。煙雨樓前煙雨微。檢得  
石湖詩卅首。一時賡韻興軒飛。

陳羣詩本  
和范成大

田園雜興三

十首之十也。

溪上風來料峭寒。春衫也覺切肌單。笑伊

何故朝衣典。鄉俸從今志可寬。命如沈德潛例在家

食俸。故戲及之。

世族錢塘嫡派錢。禦兒遷里是何年。澎湖

淼淼澄明水。可養胸中一片天。

溪雲欲伴柳煙低。柳外青帘颺影飛。新壓

糟牀春酒熟。換沽可解帶腰圍。

炊黍何論萼與松。怡情桃李繪薰濃。今來  
扈蹕權教置。可忘螭頭珥筆供。

聖製遊攝山棲霞寺用尹繼善沈德潛倡和  
韻

久聞攝山名。秀如玉而冠。僧紹小隱處。高  
節古今羨。拔地百卅丈。堯峯凌碧漢。衆山

皆在下。如翁視童。非畫石及落星。厯厯皆可按。圖經昔羶薌。久矣繫清戀。茲來緣省方。乘暇遊禪院。蘇民厘解澤。對佛愧止觀。咨爾肆覲牧。峻宇何須辨。

山房號萬松。屨步尋深逕。孫枝貌已蒼。側榦形猶正。何況古喬者。孰不見生敬。幾赦斧斤劫。益凜冰霜性。拂星自成景。吐雲應

號慶。偃佺曾遺堯。養真稱戰勝。又如商伯夷。乃得清之聖。層臺一登臨。民瘼當前凭。元氣復也無。謬濤何心聽。

古人亦有言。枕流而漱石。不可無此意。愛斯淙復峇。懸崖仲璋琢。其佛四十尺。松撐雲態破。竹迸埒形坼。盤拏互轆轤。如蓋亦如帟。可以謝棟梁。永此安巖壁。峯迴路轉

處。化身更千億。既不辨異同。誰更分主客。  
湫泉得品外。盤陀聊憇息。軒渠笑陸羽。未  
遇此真脈。

躑。曾聞有虎。名得因逢鹿。每吐雲英英。亦  
浸月漉漉。其始乃何年。太古此澗谷。蘚痕  
石縫間。細注纔漩洑。聞自候停蹕。階下宛  
成瀑。斯事屬偶然。不必稱更僕。儻來還儻

去。誰與享清福。迴首語山僧。付爾聽真筑。  
山有白鹿泉。日久就淤。大吏於此建書室。備憩。因稍爲疏導。遂成巨流。飛瀑奔注。冬夏不竭云。

昂首最高峯。巉巖拾級上。藥草堪攝生。含  
芳襲人賞。北睇見大江。顥氣涵漫漭。吾懷  
與之如。廓然坦蕩蕩。忽憶東坡翁。赤壁曾  
獨往。俯憑夷幽宮。長嘯發逸響。其氣蓋古

今其景融機象。斯游可同乎。吾惟企遐想。

藉問夏諺中。遊豫緣何事。江國災祲餘。如

傷猶未置。嗟爾在位者。孰非民攸墜。邇來

間閭况。略悉巡春騎。縱云免溝壑。未稱富

蔣芟。矧茲乃所見。寧無未見際。供奉爾勿

勞。徒勞亦奚異。踏閱便遊山。聞挈詩人儷。

索觀賡其章。匪侈詞華麗。

尹繼善入山閱  
工。沈德潛偕往

故有  
此作。

聖製哭汪由敦

贊治常資理。論文每契神。在公誠匪懈。卽  
世信何因。言行遺編簡。老成謝搢紳。莫臨  
攄一慟。底計日當辰。

聖製賜休致大學士陳世倌歸里詩以餞之  
風俗勤勞言行醇。多年黃閣贊絲綸。陳情

無那俞孔緯食祿應教例鄭均。自是江湖  
憂未忘。原非桑梓隱而淪。老成歸告能無  
惜。

皇祖朝臣有幾人。

皇朝詞林典故卷四



